

盤山棲雲王真人語錄序

夫瞽者無以豫乎青黃之色聾者無以豫乎管籥之音豈唯形骸有如此哉而心智亦有之若夫本分天真人皆具足奈以積塵所昧正眼不明逐色隨聲尋踪覓跡沉淪惡道浩劫千生模竹管爲陽光擊銅盤爲日景不逢宗匠皂白奚分磔句執文轉增迷惑是以棲雲老師不得已應病施藥剔耳挑聾摩睛刮翳冀得人人澈視各各開聰見見聞聞灑灑落落咸歸正道不逐亡羊也門下劉公先生從師有年密記老師之警欬哀以成集約百餘則誠爲初機學道者之指南也命工鈔梓以廣其傳孤峯道人亦得豫其徒未行者見而喜之乃齋沐而敬爲之題辭

道藏輯要

盤山語錄

聖

鼎集九

時丁未正月元日門人論志煥謹序